

Küblis, ils 2 da fanadur 2025

Repower cumenza a spazzar l'anteriur implant electric Lietha a Grüşch

L'implant electric Lietha a Grüşch è vegnì mess ord funcziun il 2013 suenter l'avertura da l'implant electric Taschinas. Passa in tschientaner ha el già contribuì essenzialmain al provediment d'electricità en il Partenz Anteriur. Il zercladur cumenza Repower a spazzar l'implant electric. Cun quel pass finescha in chapitel impurtant da l'industrialisaziun en il Partenz.

L'istorgia da l'utilisaziun da la forza idraulica a Grüşch va enavos fin l'onn 1552, cura ch'è vegnì documentà l'emprima giada in chanal commercial per trair a niz l'aua Taschinasbach. A partir da la mesadad dal 19avel tschientaner è la firma Lietha sa sviluppada ad ina da las interpresas industrialas las pli impurtantas en il Partenz. Cun modernisar ils vegls mulins e las resgias antiquadas ha l'impresa duvrà gia baud la propulsiun a turbina ed ha nizzegià l'electricità a partir dals onns 1880 era per illuminar chasas dal manaschi e chasas privatas.

Grazia a la produenziun d'atgna electricità ha la firma Lietha pudì proveder Grüşch, Seewis e Fanas gia baud cun forza electrica ed ha damai giugà ina rolla da pioniera en la regiun. L'implant electric è vegnì amplifitgà e modernisà cuntinuadamain fin ch'el è la finala, en il rom da l'approvaziun da la concessiun per l'implant electric Taschinas, i en possess da la Rätia Energie AG (la Repower dad oz).

La spazzada è necessaria per motivs dal dretg da la segirezza, da l'ambient e da la concessiun

Cura ch'il nov implant electric Taschinas è vegnì mess en funcziun l'onn 2011, è la produenziun da current da l'implant Lietha daventada main impurtanta. Il 2013 ha Repower smess dal tuttafatg la produenziun electrica da l'implant. Dapi lura van ils stabiliments adina dapli en decadenza. Per motivs dal dretg da la segirezza, da l'ambient e da la concessiun èsi daventà necessari da spazzar l'infrastructura ch'è per part en privel da sballunar.

Las lavurs da spazzada cumpiglian tut las componentas architectonicas dals anteriurs indrizz a pressiuin auta e bassa. Tranter auter las tschiffadas d'aua dals auas Sagabach e Taschinasbach, il conduct liber al reservuar e las lingias da pressiuin dad omadus indrizz. Quests conducts s'uneschian sut las tschiffadas, traversan l'aua comunablamain sin ina punt d'atschal marcanta ed èn silsuenter parallels cun la paraid-crap fin en il vitg da Grüşch. Era la punt d'atschal ed ils edifizis tecnics appartegnents vegnan allontanads en il rom da las lavurs da spazzada. Tut las surfatschas pertutgadas vegnan silsuenter renaturadas. Sulettamain la centrala da l'implant electric en il center da Grüşch che stat sut protecziun da monuments vegn mantegnida.

Las lavurs da disfatga succedan en etappas dal zercladur 2025 enfin la fin dal 2026. En in'emprima fasa vegnan destruids ils batschigls da regulaziun sper Seewis.

Ina documentaziun davart l'istorgia da l'implant electric Lietha

Per onurar la significaziun istorica da l'implant electric Lietha ha Repower incumbensà da documentar cumplexivamain ils stabiliments restants e lur istorgia. En la publicaziun «Das Elektrizitätswerk der Firma Lietha Grüşch» dilucideschan ils istorichers Hansjürg Gredig e Gion Caprez tge rolla che ha giugà l'implant electric per il svilup economic da Grüşch e cumprovan quant fermamain ch'èn stadas colliadas la producziun d'energia, l'industria e la vita locala durant decennis.

La documentaziun «Das Elektrizitätswerk der Firma Lietha Grüşch» pudais Vus empustar cun scriver in e-mail a medien@repower.com.

Contact

Stefan Bisculm

manader post da medias

t +41 81 423 78 73

m +41 79 372 77 76

stefan.bisculm@repower.com

Quai è Repower

L'interpresa Repower è dapi 120 onns activa sco producenta d'electricitad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Grono, Glion, Küblis, Landquart, Turitg e Milano. Repower è activa lung l'entira chadaina da valurisaziun da l'electricitad, da la producziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricitad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.